

**JUDICIAL SISTEM MONITORING PROGRAMME**  
**PROGRAMA DE MONITORIZASAUN DO SISTEMA JUDICIAL**



***Komunikadu Imprensa***

**21/6/2013**

**Arguidu ba kazu violasaun seksuál agravadu hetan pena tinan 8 prizaun**

Iha 20 Juñu 2013, Tribunál Distritál Suai hala'o julgamentu ba kazu violasaun agravadu ho Nú. Prosesu164/pen/2012/TDS. Arguidu ba kazu ne'e hasoru vítima ho idade menõr (tinan14) iha Distritu Ainaro iha 15 Marsu 2012.

*"Akordaun ne'e manifesta sentidu boot kona-ba progresu iha kontestu komprimisu Estadu atu luta hasoru violénsia kontra fetu"*, dehan Luis Oliveira Sampaio, Diretor Ezekutivu JSMP.

JSMP rekoñese katak progresu ne'e la ses husi eforu Ministériu Públiku ne'ebé apresenta provas hotu-hotu relasiona ho kazu ne'e.

JSMP hanoin katak pena ne'ebé mak tribunál hamonu ba arguidu refleta sensibilidade autór tribunál ba kazu krime sira kontra fetu, liu-liu krime kontra menõr.

JSMP espera katak ho pena ne'ebé mak hamonu ba arguidu, sei eduka ita nia sosiedade hodi hadook-an husi hahalok violénsia, liu-liu ba violasaun seksuál hasoru fetu.

Tribunál prova katak arguidu komete duni aktu violénsia seksuál hasoru vítima no halo vítima moe nomós trauma no la koho atu fila ba uma. Arguidu rasik konfesa katak akuzasaun hirak ne'ebé akuza ba nia loos.

Tribunál konklui prosesu ne'e hodi kondena arguidu ba pena prizaun tinan 8 no selu indemnizasaun ba US \$ 1.000.00 ba vítima. Tribunal mos kondena arguidu selu kustus judisiais US \$ 3.00.00. Totál osan ne'ebé arguidu tenke selu hamutuk \$ 1.300.00 (rihun ida atus tolu dolares Amerikanu.

Maski nune'e, arguidu sei iha oportunidade atu hato'ó rekursu ba iha tribunál rekursu iha 15 nia laran, tuir lei prosesual ne'ebé preve iha Kódigu Prosesu Penál.

Julgamentu prezide husi juis kolektivu Dr. Pedro Raposo de Figueirera, Dra. Florençia Freitas, Dr. Costâncio B. Basmery no husi parte Ministériu públiku representa husi Dr. Felismino Garcia Cardoso nomós Dr. João Henrique de Carvalho husi Defensoria Públiku.

Atu hetan informasaun kle'an favor kontaktu direktamente:

Luis de Oliveira Sampaio

Direktur Eksekutif JSMP

Alamat e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone: 3323883 | 77295795

Website: [www.jsmp.tl](http://www.jsmp.tl)

Facebook: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPtl